

ԶՕՐՔԻ ԱՆՆԱԽԱԴԷՊ ԿՈՒՏԱԿՈՒՄ ԱՐՑԱԽՈՒՄ

Ստեփանակերտ, 4 Մայիսի, Մ.Տ.Կ. Մայիսի 3ից նըկատում է զօրքի մեծ կուտակում Ստեփանակերտում: Ինչպես տեղեկացանք տարբեր աղբիւրներից, Արցախում տեղաբաշխում են Հայաստանի Հանրապետութեան տարածքը լքող ՌԱՀՄ ներքին Գործերի եւ Պաշտպանութեան նախարարութեան ստորաբաժանումները: Դեռեւս երեկ առաւօտեան բերդաձորցիները նկատել են, որ Գորիսից դէպի Ստեփանակերտ է ուղղուել հարիւրաւոր զինուորական ինքնաշարժերից բաղկացած մի շարասիւս: Անցած գիշեր Նոյնպէս շարասիւսեր են հասել Ստեփանակերտ: Ականատեսների վկայութեամբ, Ստեփանակերտ են բերուել նաեւ գանազան ռազմական սարքաւորումներ, այդ թում նաեւ ծանր հրասայլեր, ուղղաթիռներ, թնդանոթներ եւ այլն, որոնք թաքցուած են քաղաքի շրջակայքում: Ստեփանակերտում ծառայող ռուս սպաներից ոմանք արդէն իսկ մտահոգութիւն են յայտնել, որ իրենք -կարող են ստիպուած լինել օգտագործել այդ զէնքը քաղաքացիական բնակչութեան դէմ:-

Զօրքի աննախադէպ այս կուտակումը ստիպում է պատրաստ լինել նոր դժուարութիւնների: